



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

Խմբագրական

Միայն համատեղ ջանքերով կգարգացնենք հայրենիքը

Ավարտվեց «Հայաստան» համահայկական հիմնադրամի հերթական՝ արդեն թվով 17-րդ հեռուստամարաթոնը: Այս տարի էլ Հայաստանում, Արցախում և Սփյուռքում ապրող մեր հայրենակիցները համախմբվել էին մեկ ընդհանուր նպատակի շուրջ, այն է՝ զարգացնել և շենացնել Հայրենիքը: 1992 թվականին ստեղծված «Հայաստան» համահայկական հիմնադրամը կոչված էր համախմբելու Հայաստանում և արտերկրում ապրող բոլոր հայերին, իսկ 1996 թվականից անցկացվող հեռուստամարաթոնները, որոնց արդյունքում իրագործվում են ռազմավարական ծավալուն ծրագրեր, ոչ միայն միջոցներ հավաքելուն են ուղղված, այլև հայությանը մեկ միասնական գաղափարի և ծրագրի շուրջ համախմբելուն:

Շուրջ երկու տասնամյակ իրականացվող համագլխի այս դրամահավաքը ոչ միայն նոր ծրագրեր իրականացնելու միջոց է, այլև յուրովի ստուգատես՝ հաշվետվություն պահանջելու, արդեն կատարված աշխատանքը գնահատելու համար:

Համագլխի դրամահավաքին մասնակցելով՝ յուրաքանչյուր հայ շատ առարկայական զգում է իր մասնակցությունը կարելու գործին, որը կոչվում է հայրենաշինություն, և մեկ անգամ մասնակցելով սեփական երկրի զարգացմանը՝ այլևս անհնար է դառնում նրա ճակատագրին անտարբեր մնալը:

Իրապես հպարտության առիթ են հայկական զույգ հանրապետություններում կյանքի կոչված և իրականացվող այն ծրագրերը, որոնք արդյունք են համայն հայության կամքի և նախաձեռնության: Անշուշտ, կարելու է հավաքված միջոցների ծավալը, սակայն նվազ կարելու չէ մասնակիցների թիվը. մարաթոն ամբողջությամբ իր նպատակին ծառայում է բացառապես այն դեպքում, երբ մասնակիցների աշխարհագրությունն ու թիվը հասնում է առավելագույնի:

Հայկական զույգ հանրապետությունների ծնունդը, նրանց կայացումն ու շարունակական զարգացումը մեր հավաքական ձեռքբերումն է: Անվտանգ, զարգացած Արցախ ունենալը յուրաքանչյուր հայի օրակարգում պետք է լինի:

Ինչպես նախորդ տարի, այս տարի էլ «Դեպի Արցախ» կարգախոսով անցկացված հեռուստամարաթոնի հանգանակություններն ուղղվել են հայկական երկու հանրապետություններն իրար կապող այլընտրանքային՝ Վարդենիս-Մարտակերտ ավտոճանապարհի՝ այս անգամ ամբողջական վերակառուցմանը:

Չնայած այն հանգամանքին, որ այս տարվա Հեռուստամարաթոնի արդյունքում հավաքված գումարը նախորդի համեմատ անկում է գրացել, սակայն մասնակիցների թիվն աճել է:

Այնուհանդերձ, անկախ մասնակիցների թվից և հանգանակված գումարի չափից, հայության ներուժն երկու առումներով էլ ավելին է, քան ստացված արդյունքը:

Յուրաքանչյուրիս պարտքն է շարունակել ջանք ու եռանդ չխնայել Արցախն ավելի անվտանգ ու զարգացած տեսնելու համար: Հայաստանից դեպի Արցախ տանող ռազմավարական նշանակության 2-րդ ճանապարհի կառուցումը նոր լիցք է հաղորդելու հայկական երկու հանրապետությունների տնտեսական աշխուժությանը, միմյանց հետ առավել ինտեգրվելուն ու մասնավորապես Արցախի անվտանգության ամրապնդմանը:

Սեփական երկրի շենացման, զարգացման գործում ներդրում ունենալու նախանձախնդրությունն ու պատասխանատվությունը պետք է համախմբի աշխարհասփյուռ հայերին՝ անկախ նրանց քաղաքական, հասարակական հայացքներից:



Ինչպես նախորդ տարի, այս տարի էլ «Հայաստան» համահայկական հիմնադրամի հեռուստամարաթոնն անցկացվեց «Դեպի Արցախ» կարգախոսով: «Հեռուստամարաթոն-2014»-ի ընթացքում համայն հայության ջանքերով հավաքվել է 12 միլիոն 399 հազար 550 ԱՄՆ դոլար:

Հավաքված գումարը կծառայի հայկական երկու հանրապետություններն իրար կապող՝ շուրջ 116 կմ երկարությամբ Վարդենիս-Մարտակերտ ավտոճանապարհի ասֆալտապատմանն ու հարդարմանը, ինչպես նաև Հայաստանում ու Արցախում բարերարների կողմից ընտրված հատուկ ծրագրերին:

Հայաստանի Արցախի միացնող Վարդենիս-Մարտակերտ ճանապարհի ընդհանուր արժեքը 31-32 միլիոն դոլար է: «Հեռուստամարաթոն-2013»-ին 10 միլիոն դոլար արդեն փոխանցվել է ճանապարհի կառուցմանը, մոտ 4 միլիոն դոլարն էլ տրամադրել է ՀՀ կառավարությունը՝ Հայաստանի մասը կառուցելու համար: Ճանապարհն ավարտին

հասցնելու համար հարկավոր է շուրջ 17 միլիոն ԱՄՆ դոլար:

Այս պահի դրությամբ ճանապարհի հայաստանյան մասում (14 կմ) գրեթե ավարտին են հասցվել թե հողային, թե ասֆալտապատման աշխատանքները: Լեռնային Ղարաբաղի մասում հողային աշխատանքները մոտենում են ավարտին:

2013-ին նվիրաբերված գումարներով կատարված աշխատանքները ներառում էին՝ որչ ճանապարհի երկայնքով ջրահեռացման խողովակների տեղադրում, ինժեներական ցանցերի, ավապաշտպան և արգելապաշտպան կառույցների իրականացում, հենապատերի ու եզրաքարերի, 17 մետր փոքր կամուրջների կառուցում ու վերանորոգում:

Վարդենիս-Քարվաճառ ճանապարհահատվածի առաջին 12 կմ-ն ասֆալտապատ է: Հաջորդող հատվածը՝ մինչև Մարտակերտ, պատված է խտացված հողային պաստառով և երթեկեցելի է նաև մարդատար մեքենա-

ների համար:

2013-ին հեռուստամարաթոնն արձանագրել էր 22 661 372 ԱՄՆ դոլար նվիրատվություն և նվիրատվության խոստում:

Հիմնադրամի կողմից իրականացված դրամահավաքի շրջանակներում ամենաշատ գումարը հավաքվել է 2008-ի հեռուստամարաթոնի ժամանակ՝ 35 միլիոն ԱՄՆ դոլար, իսկ ամենաքիչը՝ 2004-2005-ին: Այսինքն՝ նվիրատվությունները տարեցտարի աճել են:

Հիմնադրամի տրամադրած միջոցներով կառուցվել է 489 կմ ճանապարհի Հայաստանում և Արցախում, 517 կմ ջրագիծ ու ջրամատակարարման համակարգ, 144 կմ գազատար, 70 կմ էլեկտրական հոսանքի գիծ, կառուցվել, վերակառուցվել ու կահավորվել է 334 դպրոց ու մանկապարտեզ, 424 տուն ու բնակարան, 70 առողջապահական հաստատություն, 53 սպորտային ու մշակութային կենտրոն, իրականացվել է ավելի քան 159 կրթական, մշակութային ու գիտական ծրագիր:

Նահատակ օդաչուներն ամփոփվեցին Եռաբլուրում



Նոյեմբերի 25-ին Եռաբլուր գիևվորական պանթեոնում կայացվել է աղբյուրական գիևուծի կողմից խոցված ԼՂՀ ՊԲ «ՄԻ-24» ուղղաթիռի անձնակազմի անդամների՝ հրամանատար, մայոր Սերգեյ Սահակյանի, ավագ լեյտենանտ Սարգիս Նազարյանի և լեյտենանտ Ազատ Սահակյանի գիևվորական արարողակարգով հուղարկավորությունը:

Կարդացեք 2-րդ էջում

Արցախում այսուհետ շահավետ է ներդրում կատարելը



Օրերս «Ռուս-հայկական համագործակցության» և ՌԴ-ում ԼՂՀ ներկայացուցչության նախաձեռնությամբ Մոսկվայում կայացած ֆորումը, որը նվիրված էր Արցախի զարգացմանը, խթան դարձավ Մոսկվայի հայ համայնքի և գործարար շրջանակի կողմից Արցախի նկատմամբ նոր հետաքրքրությունների ձեւավորմանը:

Կարդացեք 3-րդ էջում

Նահատակ օդաչուներն ամփոփվեցին Եռաբլուրում



Նոյեմբերի 25-ին Եռաբլուր զինվորական պանթեոնում կայացել է ադրբեջանական զինուժի կողմից խոցված ԼՂՀ ՊԲ «ՄԻ-24» ուղղաթիռի անձնակազմի անդամների՝ հրամանատար, մայոր Սերգեյ Սահակյանի, ավագ լեյտենանտ Սարգիս Նազարյանի և լեյտենանտ Ազատ Սահակյանի զինվորական արարողակար-

գով հուղարկավորությունը:

Արարողությանը ներկա էին բարձրաստիճան զինվորական պաշտոնյաներ՝ ՀՀ պաշտպանության նախարար Սեյրան Օհանյանի գլխավորությամբ, ՀՀ և ԼՂՀ քաղաքացիներ, մտավորականներ:

Լեռնային Ղարաբաղի Հանրապետության Նախագահ Բակո Սահակյանի հրամանագրով ուղղաթիռի անձնակազմի անդամները հետմահու պարգևատրվեցին «Արիության» մեդալներով, որոնք տղաների հարազատներին հանձնեց Լեռնային Ղարաբաղի Հանրապետության ՊԲ հրամանատար Մովսես Հակոբյանը:

Սեփ. ԼՐԱՏՎՈՒԹՅՈՒՆ

ԼՂՀ ՉՈՒ հատուկ գործողությունը սանձեց Ադրբեջանի ցինիզմը

Նոյեմբերի 20-ին ԼՂՀ պաշտպանության բանակը հատուկ գործողությամբ դուրս բերեց զոհված հայ օդաչուների մարմինները հակառակորդի կողմից վերահսկվող չեզոք գոտու տարածքից: Այս գործողության մասին անդրադարձան ինչպես տեղական, այնպես էլ միջազգային լրատվամիջոցները՝ համարելով այն փայլուն ռազմական գործողություն: ԵԱՀԿ-ն և մի շարք երկրներ, ինչպես ԱՄՆ-ն, Ֆրանսիան, անդրադառնալով այս գործողությանը, ոչ միայն որեւ ընկալաբար չարտաբերեցին, այլև, ըստ էության, ասացին, որ իրենք համակարծիք են հայկական կողմի հետ, որ նման գործողությունն անհրաժեշտ էր:

Հայկական կողմն ամեն ինչ արեց, որպեսզի այդ խնդիրը լուծվի դիվանագիտական ճանապարհով՝ միջազգային

կազմակերպությունների միջոցով: Սակայն, ըստ ամենայնի, Ադրբեջանն ունակ է հասկանալու միայն ուժի լեզուն, ուստի ճիշտ ժամանակին հայկական կողմը դիմեց հատուկ գործողության՝ դուրս բերելով մեր օդաչուների մարմինները չեզոք գոտուց: Սա փայլուն օրինակ է այն պնդմանը, որ ցանկացած խնդիր լուծելու համար կարելի է, որպեսզի ունակ լինես խոստելու հավասարապես եւ ուժի, եւ դիվանագիտության, եւ իրավունքի լեզվով:

Ավելացնենք, որ հայկական կողմի գործողությունները ոչ միայն սանձեց Ադրբեջանի ցինիզմը, այլև կատարյալ դեպրեսիա առաջացրեց Ադրբեջանի պաշտպանության նախարարությունում, որը սկսեց մեկը մյուսին հակասող հայտարարություններ անել:

Վահե ՀԱՐՈՒԹՅՈՒՆՅԱՆ

Պարոնայք միջնորդներ, խոսելը դեռես գործ է

Նոյեմբերի 18-ին ԵԱՀԿ դիտորդական առաքելությունը դիտարկում էր իրականացրել ղարաբաղա-ադրբեջանական սահմանին: Որքանով է հասկանալի ԵԱՀԿ այս եւ անցյալում կատարած դիտարկումների իմաստը, եթե ամեն անգամ նույն բանն են հայտարարում ու լռում՝ չնայած այն հանգամանքին, որ նույնիսկ եղել են դեպքեր, երբ ադրբեջանական դիրքերից կրակել են հենց իրենց՝ դիտորդական խմբի ուղղությամբ:

Վերջին դիտարկումից հետո ԵԱՀԿ դիտորդները նույնիսկ հայտարարեցին, որ ադրբեջանական կողմը անվտանգության երաշխիքներ չի տվել այն վայրի համար, որտեղ ի սկզբանե ցանկացել են դիտարկումներ անցկացնել: Այստեղ հարց է առաջանում. պարոնայք, իսկ ո՞ւմ են պետք ձեր դիտարկումները, եթե դրանք անց են կացնում այնպիսի մի վայրում, որտեղ վտանգ չկա, եթե Ադրբեջանը ձեզ՝ դիտորդներին արգելում է մոտենալ առաջնագծին, ու դրա վերաբերյալ որեւէ անդրադարձ չի լինում: Ո՞ւմ են պետք եւ ինչի՞ համար են ձեր դիտարկումները, եթե դրանք որեւէ ազդեցություն չեն ունենում իրավիճակի կարգավորմանը: Ինչի՞ համար է ձեր միջնորդությունը, եթե Ադրբեջանը չի թույլատրում սահմանին տեղի ունեցած միջադեպերի հարցով հետաքննություն անցկացնել, եւ դուք կրկին լռում եք՝ տպավորություն ստեղծելով, որ դա նորմալ է: Եվ, ի վերջո, ո՞ւմ աչքին են թոզ փչում, եթե մինչ օրս ադրբեջանական դիպլոմատիայի կրակից շարունակում են հայ զինվորներ զոհվել, իսկ դուք չեք կարողանում պարտադրել Ադրբեջանին, որ իր դիպլոմատիային հետ քաշի: Ո՞վ է պատասխանատու այդ բազմաթիվ զոհերի համար: Ինչո՞ւ մինչեւ այժմ սահմանին տեղի ունեցած ցավալի միջադեպերի հար-

ցով որեւէ հետաքննություն չի անցկացվել:

ԵԱՀԿ-ն լռում է նույնիսկ այն ժամանակ, երբ սահմանը պատահաբար կամ անգիտակցորեն անցած անզեն հայերին գերում ու խոշտանգում են, ծաղր ու ծանակի ենթարկում:

ԵԱՀԿ-ն և միջազգային մյուս կազմակերպություններն անընդհատ հավասարության նշան են դնում՝ սահմանին կատարվող բոլոր միջադեպերի համար մեղադրելով երկու կողմերին: Նման պահ-



վածքն Ադրբեջանի գործողությունները հասցրել է լկտիության աստիճանի: Այսօր արդեն նրանք ոչ միայն հանդգնում են հայկական անզեն ուղղաթիռ խփել, այլև հայտարարում են, որ այդ ամենի մեղավորը ԵԱՀԿ-ն է ու միջազգային հանրությունը: Ադրբեջանական ցինիզմը հասել էր այն աստիճանի, որ արդեն սակարկում էին զոհված հայ օդաչուների աճյունները վերադարձնելը: Սա ոչ միայն անընդունելի է, այլև՝ անմարդկային:

Ադրբեջանի նախագահի աշխատա-

կազմի ղեկավարի տեղակալ Նովրուզ Մամեդովն ադրբեջանական «ԱՊԱ» գործակալության հետ հարցազրույցում ասել է, որ եթե ԵԱՀԿ Մինսկի խումբն իր գործելանոճը չփոխի, ապա Բաքուն կփորձի հարցը լուծել սեփական ուժերով: «Մենք Արեւմուտքից արդարացի դիրքորոշում ենք պահանջում Լեռնային Ղարաբաղի հարցում: Ինչո՞ւ Մինսկի խմբի համանախագահները հաջողության հասնել չեն կարողանում: Որովհետեւ նրանք նույնպես անտեսում են միջազգային իրավունքը:

Նրանք երբեք չեն հիշատակում ՄԱԿ-ի Անվտանգության խորհրդի կողմից ընդունված 4 բանաձեռները»: Այս յուրահատուկ հանդուրժանության ու մարագմի աստիճանի հասնող ադրբեջանցի չինովնիկի հարցն ու պատասխանը պետք է որ միջազգային հանրության ուշադրության կենտրոնում հայտնվի, սակայն առավել քան համոզված եմ, որ սա նույնպես անտեսության կմատնվի:

Եթե մի հետադարձ հայացք օգնեք, ապա կհասկանանք, որ Ադրբեջանի լկտիությունը պրոգրեսիայի նման աճում է: Սկզբում ադրբեջանական դիպլոմատիայի կրակից զոհվում էին հայ զինվորներ: Այդ ամենը հաջողությամբ մարտելով՝ ադրբեջանական արկածախնդրությունը հասավ այն աստիճանի, որ դիվերսիոն գործողություններ սկսեց՝ գրոհելով մեր դիրքերը եւ կրակելով Հայաստանի սահ-

մանամերձ բնակավայրերի վրա: Իսկ այժմ, անպատժելության ու ամենաթողության ձեւավորած մթնոլորտի արդյունքում, ադրբեջանական լկտիությունն ու արկածախնդրությունը հասել է այն աստիճանի, որ նույնիսկ հանդգնում են հայկական ուղղաթիռ խփել:

Այդ ամենն ապացուցում է մի բան՝ անհապաղ պետք է սանձել Ադրբեջանին եւ անպատասխան չթողնել նրա արկածախնդրությունները: Եթե միջազգային հանրությունը չի կարողանում սանձել, ապա դա կարող ենք անել մենք՝ մեր իսկ միջոցներով, որն ավելի արդյունավետ կլինի, քան ցանկացած միջազգային մեծ կամ փոքր չինովնիկի անհասկանալի ու անհասցե հայտարարություն: Ի դեպ, ժամանակին Ադրբեջանն ինքն է հրաժարվել ներկայումս իր կողմից այդքան շատ թմբկահարվող ՄԱԿ-ի բանաձեռների կատարումից:

Ադրբեջանի պահվածքը նման է հղփացած հարուստի երեխայի պահվածքի, որին ամենաթողության են մատնել, ու նա անում է այն, ինչ ուզում է:

Այս ամենից հետո մնում է միայն հավելել հետեւյալ բողոք-կոչը. պարոնայք, արդեն ժամանակն է իրերն իրենց անունով կոչելու: Ձեւական դիտարկումների փոխարեն լավ կլիներ սկսել դեպքերի հետաքննություն ու պարզել մեղավորներին: Ժամանակն է, որ ձեր անհասցե հայտարարությունները կոնկրետացվեն: Ձևեք այն հավասարության նշանը, որ ամեն անգամ դնում եք կողմերի մասին խոսելիս, թե չէ, ո՞վ գիտե, այդ հավասարության տրամաբանությունը ի՞նչ հետեւանքներ կարող է ծնել, եւ այնքան ոչ ոք չի կարողանա գործողությունների ընթացքը կանխատեսել:

Վահե ՀԱՐՈՒԹՅՈՒՆՅԱՆ

ԱՄՆ-ն հաստատել է ԼՂՀ ՊԲ հայտարարությունը



ԱՄՆ պետքարտուղարության մամուլի քարտուղար Ջեֆ Ռատկեն լրագրողների հետ հանդիպման ժամանակ ասել է, որ

ԱՄՆ-ն հետեւել է հայկական խոցված ուղղաթիռի օդաչուների դիտարկումներին հատուկ գործողությանը: «Մենք, իհարկե, հետեւել ենք սպանված երեք օդաչուների դիտարկումներին թույլ չեն տվել մոտենալ խոցված ուղղաթիռին: Այս միջադեպը եւս մեկ անգամ ընդգծում է, որ Լեռնային Ղարաբաղի հակամարտության համար անհրաժեշտ է գտնել խաղաղ լուծում», - ասել է նա:

Այն հարցին, թե ի՞նչ քայլեր է ձեռնարկում ԱՄՆ պետքարտուղարությունը դեպքի վայր ԵԱՀԿ դիտորդների մուտքը հնարավոր դարձնելու համար, մամուլի քարտուղարը

հստակ պատասխան չի տվել՝ նշելով միայն, որ պետքարտուղարությունը, ինչպես եւ ԵԱՀԿ-ն, հասկանում են, որ հնարավոր է, որ դիտորդներին թույլ չեն տվել մոտենալ խոցված ուղղաթիռին:

Սրանով, փաստորեն, ԱՄՆ-ն հաստատեց հայկական կողմի հայտարարություններն Ադրբեջանի կողմից խոցված ուղղաթիռի անձնակազմի անդամների դիտարկումները չեզոք գոտուց դուրս բերելու հատուկ գործողության վերաբերյալ: Ադրբեջանի պաշտպանության նախարարությունը հերքել էր ԼՂՀ ՊԲ տարածած հայտարարությունը, ինչին ի պա-

տասխան՝ ԼՂՀ ՊԲ-ն ապացույցներ էր հրապարակել հատուկ գործողության վերաբերյալ:

Ինչ վերաբերում է հայտարարության երկրորդ մասին՝ նշենք, որ խոցված ուղղաթիռի վայր դիտորդների մուտքն արգելվել է Ադրբեջանի կողմից: Կրկին անհասցե հայտարարություն է տրվել, սակայն այս անգամ, թեկուզեւ անուղղակիորեն, Ադրբեջանի անընդունելի պահվածքի մասին:

Սեփ.ԼՐԱՏՎՈՒԹՅՈՒՆ

Բակո Սահակյանը Լոս Անջելեսում հանդիպումներ է ունեցել ավանդական կուսակցությունների ղեկավարների հետ

Արցախի Հանրապետության նախագահը Լոս Անջելեսում հանդիպում է ունեցել ՀՅԴ Արեւմտյան Ամերիկայի Կենտրոնական կոմիտեի պատասխանատուների, Սոցիալ-Ժողովրդավարական հնչակյան կուսակցության Արեւմտյան Ամերիկայի վարչական մարմնի, Ռամկավար ազատական կուսակցության Արեւմտյան Ամերիկայի շրջանային վարչության հետ:

Հանդիպումների ընթացքում քննարկվել են Արցախի ներքին և արտաքին քաղաքականությանը, Արցախ-Սփյուռք համագործակցությանը վերա-



բերող տարբեր հարցեր:

Երկրի ղեկավարը կարեւորել է ավանդական կուսակցությունների դերակատարությունն Արցախին սատարելու, համագային կարեւորագույն խնդիրների լուծման, Հայրենիք-Սփյուռք կապերի ամրապնդման

հարթություններում՝ հավելելով, որ Արցախը շահագրգռված է հետեւողական շարունակելու և խորացնելու այս փոխգործակցությունը:

Հանդիպումներին մասնակցում էին ԱՄՆ-ում ՀՀ արտակարգ և լիազոր դեսպան Տիգրան Սարգսյանը, Լոս Անջելեսում ՀՀ գլխավոր հյուպատոս Սերգեյ Սարկիսովը, ԱՄՆ-ում և Կանադայում ԼԴՀ մշտական ներկայացուցիչ Ռոբերտ Ավետիսյանը, պաշտոնատար այլ անձինք:

Սեփ.ԼՐԱՏՎՈՒԹՅՈՒՆ

Արցախի նախագահը Լոս Անջելեսում հանդիպել է ՀՅԴ-ի ներկայացուցիչների հետ

Արցախի Հանրապետության նախագահը Լոս Անջելեսում այցելել է Հայ օգնության միության (ՀՕՄ) Արեւմտյան ԱՄՆ-ի շրջանային վարչության գրասենյակ և հանդիպում ունեցել ՀՕՄ-ի Կենտրոնական վարչության անդամների, ՀՕՄ-ի Արեւմտյան ԱՄՆ շրջանային վարչության կազմի, կազմակերպության անդամների հետ:

Բակո Սահակյանը ՀՕՄ-ը համարել է Սփյուռքի ամենակայացած կառույցներից մեկը՝ կարեւորելով նրա գործունեությունը ինչպես հայրենիքում, այնպես էլ նրա սահմաններից դուրս:



Արցախի նախագահը նշել է, որ կազմակերպության կողմից Արցախում իրականացվող աշխատանքները հայրենասիրության լավագույն դրսևորումներից են և ակներե ազդեցություն ունեն մեր հանրապետության կյանքում:

Նախագահ Սահակյանը նաեւ պատասխանել է ներկաների կողմից բարձրացված տարաբնույթ հարցերին:

Նախագահին ուղեկցում էին Հայ Առաքելական Եկեղեցու Արցախի թեմի առաջնորդ Պարգեւ արքեպիսկոպոս Մարտիրոսյանը, փոխվարչապետ Արթուր Աղաբեկյանը, ԱՄՆ-ում ՀՀ արտակարգ և լիազոր դեսպան Տիգրան Սարգսյանը, պաշտոնատար այլ անձինք:

Սեփ ԱՄՍՏՅԱՆ

Հայկական լավաշն այսուհետ ՅՈՒՆԵՍԿՕ-ի ոչ նյութական մշակութային ժառանգություն է համարվում



ՀՀ ԱԳ փոխանցմամբ՝ նոյեմբերի 26-ին Փարիզում ընթացող ՅՈՒՆԵՍԿՕ-ի «Ոչ նյութական մշակութային ժառանգության պաշտպանության մասին» կոնվենցիայի միջկառավարական կոմիտեի 9-րդ նիստին որոշվել է ՅՈՒՆԵՍԿՕ-ի մարդկության ոչ նյութական մշակութային ժառանգության ներկայացուցչական ցանկում ներառել Հայաստանի կողմից ներկայացված «Լավաշ»:

ավանդական հացի պատրաստումը, նշանակությունը և մշակութային դրսևորումները Հայաստանում» հայտը:

Նշենք, որ 2013թ. ներկայացված հայտն անցել է կոնվենցիայով սահմանված ընթացակարգային փուլերը՝ ստանալով փորձագիտական դրական եզրակացություն:

Հայտը պատրաստվել է ՀՀ ԱԳ Անագիտության և ազգագրության ինստիտուտի, Մշակույթի նախարարության և Հայաստանի ՅՈՒՆԵՍԿՕ-ի ազգային հանձնաժողովի կողմից:

ՅՈՒՆԵՍԿՕ-ի ոչ նյութական մշակութային ժառանգության ներկայացուցչական ցանկում ընդգրկումը հիստորիա է առաջացրել մեր հարեւանների մոտ: Հատկապես թուրքական լրատվամիջոցները վայնասուն են բարձրացրել՝

իրապարակումներում նշելով, թե իբր լավաշը թուրքական ծագում ունի, ու այն եղել է թուրքական հարսանիքների անբաժան մասը: Իսկ Թուրքիայի մշակույթի և զբոսաշրջության նախարար Օմեր Չելիքը հայտարարել է, թե իբր Թուրքիան և Ադրբեջանը պատրաստվում էին համատեղ դիմել ՅՈՒՆԵՍԿՕ-ին՝ լավաշը որպես թուրքական ոչ նյութական արժեք ներառելու համար:

Լավաշի ընդգրկումով ՅՈՒՆԵՍԿՕ-ի մարդկության ոչ նյութական մշակութային ժառանգության ներկայացուցչական ցանկը համարվեց հայկական ևս մեկ՝ չորրորդ մշակութային արժեքով:

Հիշեցնենք, որ Հայաստանը 2006-ից միացել է ՅՈՒՆԵՍԿՕ-ի նշյալ կոնվենցիային: ՅՈՒՆԵՍԿՕ-ի մարդկության ոչ

նյութական մշակութային ժառանգության ներկայացուցչական ցանկում ներառված են նաեւ «Դուդուկը և դրա երաժշտությունը», «Խաչքարի խորհուրդը և խաչքարագործությունը»,



«Սասնա ծռեր» կամ «Սասունցի Դավիթ» էպոսի կատարողական դրսևորումները հայտերը:

Վահե ՀԱՐՈՒԹՅՈՒՆՅԱՆ

Ասկերան քաղաքն ու Ֆրանսիայի Բուկ Բել Էրը քույր քաղաքներ են

Լեռնային Ղարաբաղի Հանրապետության Ասկերան քաղաքի և Ֆրանսիայի Բուկ Բել Էր քաղաքների միջև օրերս ստորագրվել է բարեկամության հռչակագիր: Հռչակագիրը ստորագրել են ԼԴՀ մշակույթի նախարար Նարինե Աղաբալյանը և Բուկ Բել Էրի քաղաքապետ Ռիշար Մալիեն:

Հռչակագիրը ողջունում է ազատ և ժողովրդավարական հասարակություն ստեղծելուն և զարգացնելուն ուղղված Լեռնային Ղարաբաղի ժողովրդի



ու իշխանությունների հետեւողական քայլերը, ինչպես նաեւ անընդունելի է համարում Արցախի ժողովրդի մեկուսացումը:

Այն նպատակ ունի ամրապնդելու երկու քաղաքների միջև բարեկամական կապերը և համատեղ համագործակցություն հաստատելու կրթության, մշակույթի և սպորտի բնագավառներում:

«ԱՊՈՒՄԺ»

Ավանդույթները շարունակվում են. Մեծ Թաղերում վերաբացվել է գորգագործական արտադրամասը

Մեծ Թաղերը Հայաստանի շրջանի ամենամեծ գյուղն է: Այն ունի հազար չորս հարյուրից ավելի բնակիչ: Բնակիչները հիմնականում զբաղվում են գյուղատնտեսությամբ ու անասնապահությամբ: Ինչպես ամեն մի գյուղի, այնպես էլ Մեծ Թաղերի բնակիչներն ունեն իրենց դարդն ու հոգսը, սակայն չեն դժգոհում: «Աշխատող մարդը չի կորի. պիտի աշխատես, ստեղծես, որ ապրես», - ասում է գյուղի տարեց բնակիչներից մեկը: Իսկ մյուսը, որ երեսուն տարեկան կին է, չորս երեխաների մայր, ավելացնում է. «Մեծ ոգեւորություն ապրեցի, երբ լսեցի, որ գյուղում գորգագործական արտադրամաս է բացվում: Առաջիններից մեկն եղա, որ աշխատանքի ընդունվելու դիմում գրեցի: Թեեւ ծանոթ չեմ գորգ գործելուն, բայց, ինչպես ասում են, կնոջ ձեռքից բան չի պրծնի,- ծիծաղում է,- համոզված եմ՝ շուտով կընտելանամ գործին»:

Մեծ Թաղերի գորգերը գովաբանվել են ԱՄՆ-ում, Գերմանիայում, Բելգիայում, Ֆրանսիայում:

Այսօր, ի ուրախություն գյուղի բնակիչների, Մեծ Թաղերում նորից բացվել է

գործակցում է Արցախում գործող «Ղարաբաղ կարպետ» ընկերության հետ. կազմակերպվում են փոխադարձ այցելություններ, փորձառություն են վերցնում, ծանոթանում գորգի գործման ար-

Էին գորգ ու կարպետ: Իսկ 1930-1981 թվականներին գյուղում արդեն կար գորգագործարան, որտեղ 50-60 գորգագործ կանայք էին աշխատում: Նրանց գործած գորգերը շատ հայտնի էին հորհրդային Միությունում:

Խորհրդային կարգերի անկումից հետո գործարանը միաժամանակ փակվեց, ապա տարիներ անց նորից բացվեց: 1992-2005 թվականներին գործում էր գորգագործական արհեստանոց, որն ուներ փորձառու աշխատողներ: Սակայն, մի քանի տարիների աշխատանքից հետո, որոշ խնդիրների հետ կապված, այն դադարեց գործել:

Այսօր, ԼՂՀ փոխվարչապետ, համագյուղացի Արթուր Աղաբեկյանի ջանքերի շնորհիվ արդեն մի քանի օր է, ինչ գյուղում գործում է գորգագործական այս արտադրամասը:

Տնօրենի խոսքով՝ գորգագործները ոգեւորված են. նրանցից ոմանք տիրապետում են գործին, ոմանք՝ նոր են սովորում: «Հույս ունենք՝ կկարողանանք արդարացել մեզ, նպաստել Մեծ Թաղերի ավանդական գորգագործության վերականգնմանը», - նշեց Գ. Ոսկանյանը:

Հեղինակ ԱՎԱԳՅԱՆ



Ե գորգագործական արտադրամաս: Նորաբաց «ՄԹԱԳ» ՍՊԸ-ն (Մեծ Թաղերի ավանդական գորգագործություն) դեռ 10 աշխատող ունի, սակայն նպատակ ունի ընդլայնելու իր գործունեությունը, ավելի շատ գյուղացիների աշխատանքով ապահովելու:

վեստին, վարպետանում:

Նորաբաց արտադրամասի տնօրեն Գարիկ Ոսկանյանը մեզ հետ ունեցած զրույցի ժամանակ նշեց. «Դարերի պատմություն ունի Մեծ Թաղերի գորգագործությունը: Գյուղը միշտ էլ հայտնի է եղել այս առումով. ամեն ընտանիքում դազգահ կար, կանայք գործում

Հայ որբերի պատրաստած գորգը Սպիտակ տանը

Հայոց ցեղասպանությունը խորհրդանշող՝ «Որբերի գորգը» կամ «Ղազիրի գորգը» նոյեմբերի 18-23-ին, երկար տարիների վիճաբանություններից եւ Թուրքիայի ճնշումների հետեւանքով պահվելուց հետո, ցուցադրվեց ԱՄՆ Նախագահի նստավայրի այցելուների սրահում: Գորգը գործել են Ցեղասպանությունից մազապուրծ հայ որբերը եւ 1925թ. նվիրել ԱՄՆ Նախագահ Բելվիլին Զուլիջին՝ Հայոց ցեղասպանությունից տուժածների ոգևորություն ցուցաբերելու համար:

Սպիտակ տանը: Այն ժամանակվանից ի վեր՝ գորգը մեկ անգամ է ցուցադրվել, ու դարձել է հայ եւ ամերիկացի ժողովուրդների բարեկամության հիշատակը:

Սպիտակ տան ցուցադրությունը կրում է «Շնորհակալություն ԱՄՆ-ին. երեք նվեր Նախագահներին՝ որպես երախտագիտություն արտերկրում ամերիկյան առատաձեռնությանե անվանումը:

«Այն բանից հետո, երբ ԱՄՆ Նախա-

Այնուհետեւ իրավիճակի պարզաբանման համար հայտարարությամբ հանդես եկավ Սպիտակ տան անվտանգության խորհրդի խոսնակ Մարկ Սթրոնգը՝ հայտարարելով, որ «Ղազիրի գորգի» ցուցադրումը բացարձակապես չունի մեսիչ ուղարկելու իմաստ», - գրում է «Ակոս»-ը:

«Ակոս»-ը գրուցել է Ղազիրի որբանոցի եւ գորգերի մասին ֆիլմերով հայտնի՝ Մորիս Միսակ Զելեյանի եւ «Հայ մշակույթի հիմնադրամ»-ի տնօրեն

տասանի, առաջինը չի լինի, քանի որ ԱՄՆ Նախագահ Ռոնալդ Ռեյգանն արդեն բացահայտորեն արտասանել է «Հայոց ցեղասպանություն» արտահայտությունը: Նշելով, որ 1951 թվականից ԱՄՆ Կոնգրեսում այս հարցի ուղղությամբ բազում որոշումներ են ընդունվել, Զելեյանն ասել է, որ 1951-ին ԱՄՆ արդարադատության Նախարարությունն ընդունել է պաշտոնական փաստաթղթերում «Հայոց ցեղասպանություն» արտահայտությունը գրելու որոշում: Նա համոզված է, որ գորգի ցուցադրումը չպետք է սահմանափակվի ընդամենը 5 օրով. այն պետք է ցուցադրել երկրի բոլոր շրջանների հեղինակավոր թանգարաններում:

Գորգի ստեղծման պատմությունը

Հայոց ցեղասպանությունից հետո «Մերձավոր Արեւելքի նպաստամատույց ծրագիրը (Near East Relief) 116 միլիոն դոլլարի մարդասիրական օգնություն է ցուցաբերել միլիոնավոր կարիքավորների, այդ թվում՝ տասնյակ հազարավոր տարագիր հայերի:

Այդ ժամանակ Լիբանանի տարածքում գտնվող Ղազիր գյուղում «Near East Relief»-ի օժանդակությամբ տեղավորվել էր 1400 որբ հայ աղջիկ: Նրանց խնամում էին շվեյցարացի միսիոներ Հակոբ Կունսլերը եւ նրա կինը՝ Էլիզաբեթը: 1920թ. Կունսլերները որոշում են որբերին գորգ գործել տալ՝ նվիրելու ԱՄՆ Նախագահ Բելվիլին Զուլիջին՝ ի նշան երախտագիտության Ամերիկայի ժողովրդին: Ղազիրում գորգի գործարան ստեղծելը որբերի համար նաեւ աշխատավայր ունենալու լավ հնարավորություն էր: Գորգը հենց տեղանքի անվանումով կոչվել է «Ղազիրի գորգ»:

Պատրաստեց Արմինե ՆԱԻԻՆՅԱՆԸ



գահ Բարաք Օբամային մոտ աղբյուրները հայտարարեցին Հայոց ցեղասպանությունը խորհրդանշող գորգը Սպիտակ տանը ցուցադրելու մասին, այն էլ՝ 2015 թվականին՝ Հայոց ցեղասպանության 100-ամյա տարելիցին ընդառաջ, ակամայից առաջ եկավ այն միտքը, թե Օբաման Հայոց ցեղասպանության ճանաչման հարցում քայլ է անում: Այդ որոշումը նաեւ ընկալվեց որպես ԱՄՆ ղեկավարության մեսիջը Թուրքիային, որի հետ անհամաձայնություններ ունի:

Արա Ղազարյանի հետ: Զելեյանը հայտնել է, որ Սպիտակ տանը, Հայոց ցեղասպանությունը խորհրդանշող գորգից բացի, ցուցադրվելու են նաեւ այլ իրեր, որոնցից է Ֆրանսիայի Սեր քաղաքից ուղարկված ծաղկամանը: Վերջինիս ցուցադրումը Զելեյանը մեկնաբանել է՝ որպես «տարօրինակ գուգադիպություն», Սերի պայմանագրի հիշեցում:

Ըստ Զելեյանի, եթե Բարաք Օբաման «Ցեղասպանություն» բառն ար-

խագահի ընտանիքի կողմից հանձնվել

Նորայր Քամայան. իրական հերոսը



Իրական հերոսները շատ համեստ են լինում: Նրանք չեն սիրում խոսել իրենց արածների մասին, իսկ երբ հիշեցնում են՝ պարզապես ժպտում են կամ էլ բավարարվում են մի քանի հակիրճ նախադասությամբ:

Սակայն նրանց մասին մշտապես պետք է խոսել, քանզի միայն այդպես են նրանց անունները բերնբերան տարածվում, դառնում բոլորին հայտնի: Իրական հերոսները նրանք են, ովքեր գործով են ապացուցում իրենց ով լինելը, եւ ոչ թե սոսկ հայրենասիրության կոչեր են անում ու տեղի-անտեղի դրոշ թափահարում:

Իրական հերոսները խուսափում են էկրաններից ու հաճախ էլ՝ գլուխները կախ են խոսում, իսկ նրանք, ովքեր կեղծ հայրենասիրություն են խաղում, վազում են դեպի պատահած տեսախցիկը՝ հերթական անգամ հիշեցնելու իրենց մասին: Իրական հերոսները չեն կորցնում իրենց դիմագիծը՝ ինչ պայմաններում էլ հայտնվեն... Շատ կարեւոր է հերոսներին ոչ հերոսներից տարբերելը:

Ընթերցողի ուշադրության ենք ներկայացնում մեր հարցազրույցը 20-ամյա արցախցի, շարքային զինծառայող Նորայր Քամայանի հետ, ով հուլիսի 31-ին դարբաղա-ադրբեջանական շփման գծի հյուսիսային հատվածում տեղակայված զորամասերից մեկում հանկարծակի հայտնված ադրբեջանցի դիվերսանտներին արժանի դաս տվեց՝ տարբեր աստիճանի վնասվածքներ ստանալով: Դիվերսանտները փախուստի են դիմել՝ ունենալով կորուստներ, թողնելով տարբեր տիպի զինամթերք:

Նորայր Զան, կցանկանայինք հիշեցնել ընթերցողին. ինչպե՞ս կատարվեց, որ կարողացաք մինչեւ ականջները գինված ազերի դիվերսանտներին արժանի դաս տալ, այն էլ՝ մենակ, անզեն, ձեռնամարտով:

Յայ տղամարդը պիտի պատրաստ լինի ցանկացած փորձության, այդ դեպքում՝ Աստված նրա բազկին ուժ կտա, հավատացե՛ք... Այդ պահին ոչ մի բանի մասին չէի մտածում, միայն գիտեի, որ զինվոր եմ ու պիտի ամեն գնով պաշտպանեմ հայրենիքս: Այդ պահին ձեռքիս գեղք չկար. եթե լինե՛ր՝ ավելին կանեի: Ինձ համար դժվար է հիշել ու խոսել կատարվածի մասին, քանի որ ես այդ օրը կորցրի ընկերներին՝ Ազատ Առոյանին ու Արարատ Խանոյանին: Նրանք հերոսներ են:

Ի՞նչ եք կարծում, ի՞նչն էր պակասում ազերի զինվորների մոտ՝ համարձակությունն ու քաջությունը, թե՞ ազգային-հայրենասիրական ոգին:

Մեր ժողովրդի պատմությունն ուսումնասիրելով՝ կարող ենք բազում նման դեպքերի հանդիպել, երբ անզեն հայը հաշվեհարդար է տեսել զինված թշնամու հետ: Սա խոսում է ազերիների ու նաեւ նրանց եղբայրակից թուրքերի ազգային նկարագրի մասին. նրանք ոչ միայն զուրկ են ձեռքից հատկանիշներից, այլևս հեռու են մարդ լինելուց. նրանց մոտ սոսկ զազանային բնագրն է գործում, նրանք ի ծնե այդպիսին են: Դա նկատել ենք ոչ միայն մենք՝ հայերս, այլևս շատ օտարազգի մտածողներ, ովքեր տիպիկ բնորոշումներ են տվել նրանց:

Ինչպե՞ս է հիմա ձեր առողջական վիճակը, ինչի՞ կարիք ունեք:

Առողջական վիճակս նորմալ է: Դեռեւս բուժվում եմ, բայց շուտով ոտքի կկանգնեմ. շատ եմ ուզում նորից ծառայության վերադառնալ:

Ի՞նչ կցանկանայիք այսօր սահմանին կանգնած հայ զինվորին:

Կցանկանայի, որ անփորձանք լինի նրանց ծառայությունը եւ պատվով վերադառնան իրենց օջախները: Կցանկանայի, որ լինեն աջալուրջ, ամուր կամք ունենան ու չընկճվեն թշնամու ոչ մի ոտնձգությունից: Ես հավատում եմ նրանց ոգուն, կարծում եմ՝ դուք նույնպես:

Ձեր սխրանքն օրինակ է բազում հայ երիտասարդների համար: Ինչո՞վ է հիմա զբաղված մերօրյա հերոսը:

Դեռեւս զբաղված եմ առողջական վիճակս կարգավորելով: Շարունակում եմ բուժումներ ստանալ:

Ի՞նչ եք կարծում՝ այսօր հայկական բանակում գերակշռող է ձեր տեսակը: Դուք վստահ եք, որ ձեր ընկերները նույնը կանեն նման իրավիճակում:

Իհարկե, գերակշռող է: Զամոզված եմ՝ ընկերներս նույնը կանեն, եթե իմ փոխարեն լինեին: Ես հավատում եմ հայի այն տեսակին, որը չի ընդունում պարտությունն ու նահանջը:

Ո՞րն է իրական հայրենասիրության ձեր բանաձևը:

Եթե անկեղծ ասեմ՝ երբեմն մտորել եմ դրա շուրջ, բայց երեւի ամեն մարդ իր բանաձեն ունի, իր չափով է անում հայրենասերի իր գործը: Այս դեպքից հետո ես շատ բան բացահայտեցի իմ մեջ, շատ բան հասկացա, սակայն բառերով ասել դժվարանում եմ:

Շնորհակալություն, Նորայր Զան, կուզեի, որ իմանայիք՝

դուք մերօրյա իրական հերոսներից եք, ում մասին ոչ թե գրքերից, այլ իրական կյանքում ենք տեղեկանում: Խիզախներն այլ կերպ չեն լինում, հենց ձեզ պես են լինում: Զավատացե՛ք, որ բուրս հպարտանում ենք ձեզ: Դուք 21-րդ դարի արցախցի երիտասարդի արժանի օրինակ եք: Կցանկանայինք, որ քաղաքացիական կյանքում եւս տեսանելի լինի ձեր օրինակելի կերպարը: Առողջություն ու անսպառ կորով ենք մաղթում ձեզ:

Նորայր Քամայանը ժպտում է, ու այդ ժպտը պայքարող, չհանձնվող մարդու ժպտ է, ասես մարտահրավեր այն ամեն չարին, ինչ կարող է ծնել պատերազմ կոչվածը: Նա չի սիրում շատ խոսել, ասում է, որ ոչ մի բանի կարիք չունի: Սակայն հետո նրա ծանոթներից իմանում ենք, որ պարբերաբար բուժում է ստանում Երեւանում. մշտական հովանավոր չունի, իր միջոցներով է բուժվում...

Թեեւ ցանկանում է ապաքինվելուց հետո վերադառնալ ծառայության, բայց բժիշկները խիստ արգելում են. պիտի հանգիստ վիճակում լինի ու մշտապես հետեւի բժիշկների խորհուրդներին: Նորայր Քամայանը 33 նախագահի հրամանագրով պարգևատրվել է «Արիության համար» մեդալով:

Դեպքից հետո Նորայրը ցանկություն է հայտնել մկրտվելու: Մկրտվել է: Նրա կնքահայրը «Խաչակիրներ» ջոկատի փոխհրամանատար, ազատամարտիկ Շահե Աճեմյանն է, ով Նորայրի համար հերոսության մարմնացում է:

Յուսանք՝ Նորայրի համեստ կերպարը օրինակ կծառայի շատերի համար եւ կօգնի հավատալու, որ հայ զինվորն իրոք տարբերվում է իր նկարագրով:

Հարցազրույցը՝ Դերմինե ԱՎԱԳՅԱՆԻ

Հանրապետական բժշկական կենտրոնում այսուհետ կգործի սրտի ստենտավորման կենտրոն

Նոյեմբերի 15-ին Ստեփանակերտի հանրապետական բժշկական կենտրոնում տեղի է ունեցել սրտի ստենտավորման կենտրոնի բացման արարողությունը, որին ներկա են եղել ՀՀ նախագահ Սերժ Սարգսյանը, ԼՂՀ նախագահ Բակո Սահակյանը, ԼՂՀ վարչապետ Արայիկ Զարությունյանը եւ այլ պաշտոնատար անձինք:

Կարեւորելով անգիոգրաֆիայի բաժանմունքի նշանակությունը՝ Նախագահ Բակո Սահակյանը նշել է, որ առողջապահական ոլորտի հետեւողական զարգացումը միշտ եղել ու կլինի իշխանությունների ուշադրության կենտրոնում: Իսկ այս ներդրումը կարեւորագույն քայլ է Արցախի առողջապահության ոլորտում:

ԼՂՀ առողջապահության նախարար Զ. Զուլկյանը տեղեկացրեց, որ կենտրոնում արդեն կատարվել է սրտի 7 հետազոտում, որոնցից 2-ն ուղեկցվել են ստենտավորմամբ:

Ի դեպ, կենտրոնը բացվել է նախարար Զարություն Զուլկյանի նախաձեռնությամբ ու միջոցներով: Սարքավորումը, որը տեղադրված է բաժանմունքում, Զուլկյանների ընտանիքի նվերն է Արցախին: aparaj.am-ի հետ գրույցում նախարարը նշեց. «Արցախցին պետք է բուժվի Արցախում» կարգախոսը պետք է ամբողջությամբ իրականություն դառնա: Մենք քայլ առ քայլ հետամուտ ենք լինելու, որպեսզի մեր որդեգրած կարգախոսն իրականություն դառնա եւ յուրաքանչյուր հիվանդ լիարժեք բուժում

ստանա Արցախում, ու այլևս երկար ճանապարհ կտրելու եւ արտերկրի կլինիկաներ մեկնելու անհրաժեշտություն չզգա:

Կենտրոնում այսուհետ կատարվելու է սրտի եւ մնացած բոլոր օրգանների



անոթների ստենտավորումներ, փստորոշվելու ու բուժվելու են անոթային խնդիրներ ունեցողները: Տեղադրված է գերմանական «Սիմենս» ընկերության վերջին սերնդի անգիոգրաֆը: Սարքի տեխնիկական հնարավորությունները թույլ են տալիս պարզորոշ տեսել մարդու ցանկացած անոթ, կատարել ներանոթային միջամտություններ՝ անգիոգրաֆիա, ի դեպ՝ ոչ միայն սրտի անոթներ

ի, այլևս մնացած բոլոր օրգանների: Միջամտությունները բացարձակապես անցավ են: Մեծ մասը կատարվում է նախաբազկի զարկերակից, ինչն իջեցնում է միջամտությունների բարդությունների հնարավորությունը եւ

րաբուժության գիտական կենտրոնում: «Արդեն մի քանի օր է ինչ արցախցի մեր գործընկերների հետ աշխատում ենք Արցախում, եւ ամեն ինչ այնպես համակարգված է պատշաճ մակարդակով է կազմակերպվում, որ թվում է՝ տարիներ շարունակ գտնվել ենք կողք կողքի եւ յուրաքանչյուր հարցի փոխըմբռնումով ենք մոտենում. «Ապառաժի հետ գրույցում նշեց սրտաբան Զամլետ Զայրապետյանը եւ հավելեց. վիրահատական միջամտությունները, բուժման հետ կապված բոլոր գործընթացներն ընթանում են միեւնույն «սցենարով», միայն հիվանդների ցուցակն է երկարում... Ցավոք, նրանց մեջ փոքր թիվ չեն կազմում սրտանոթային լուրջ խնդիրներ ունեցողները, որոնց շտապ բուժօգնություն է ցուցաբերվում: Ուրախ եմ, որ մեզ հաջողվում է մարդկանց կյանքը փրկել»:

Ի դեպ կենտրոնն աշխատելու է 24-ժամյա ռեժիմով՝ սերտ համագործակցելով առողջության պահպանման առաջնային օղակի եւ հատկապես շտապօգնության ծառայության հետ: Զաստատված արձանագրությունների համաձայն՝ սուր ինֆարկտների դեպքում արագ եւ ճիշտ կզնահատվի հիվանդի վիճակը, եւ ամենակարճ ժամանակում կտեղափոխվի Ստեփանակերտի հանրապետական բժշկական կենտրոնի անգիոգրաֆիկ կենտրոն:

ԱՆԻ ԱՉՍՅԱՆ

Մի քիչ մարդ

Աշխարհի մի ցուրտ օր Արուս տատը վեր կացավ եւ որոշեց քաղաք գնալ:

- Ի՞նչ կա, Արուս, ճամպրուկդ կապած ո՞ր ես գնում ես ցրտին,- հարցրեց հարեւան Սերժիկը՝ տեսնելով վաղ առավոտյան կանգառում նստած հարեւանուհուն:

- Քաղաք եմ գնում: Մի քիչ ձու եմ հավաքել, տանում եմ ծախսել, գամ, թե չէ գյուղում առնող չկա համարյա, իսկ հավերս մնացել են առանց կուտ: Տանեմ ծախսել, որ կուտ առնեմ:

- Հա, քանի՞ ես ծախում ձուն:

- Հարյուր դրամ:

- Պա, տնաշեն, հարյուր ո՞րն ա: Խեղճ քաղաքացիք ո՞նց առնեն եղ ձուն: Հրեն տելեվիզորն ասում ա, որ քաղաքի մեջ ավտոբուսները թանկացրել են, 100 դրամ են սարքել, մարդիկ բողբոջում են: Հիմա եղ խեղճ քաղաքացիք ձու՞ առնեն, թե՞ ավտոբուս նստեն:

- Ի՛, Սերժիկ, դու էլ բան ես ասում, քաղաքացին գյուղացու մասին մտածում ա՞, որ գյուղացին մտածի քաղաքացու մասին: Ուզում են՝ թող ավտոբուս չնստեն, ոտքով գործի գնան: Ես որ ոտքով ամեն օր աղբյուրից ջուր եմ կրում, իմ մասին հիշող կա՞: Վաթսուսն անց մենակ կին եմ, գյուղում օրընդմեջ ենք ջուր ստանում, Էն էլ՝ կես ժամով, ո՞ւմ դարդն ա:

- Էղ էլ ես ճիշտ ասում, Արուս, մեր դարդը ոչ մեկի դարդը չի: Բայց կկարողանա՞ս մի կարգին ծախել, որ գոնե գնալ-գալուդ փողը դուրս գա, տակն էլ մի քիչ փող մնա՝ կուտ առնես, հաց-մաց, պետկ-մետկ առնես:

- Աստված մեծ է, տեսնենք էլի:

Այդ րոպեին գրույցն ընդհատվեց մոտեցող ավտոբուսի ձայնից: Գյուղի ավտոբուսը դռնաբացով կանգ առավ: Արուս տատը բարձրացավ ավտոբուս:

- Բարեւ, ուստա Համո,- դիմեց վարորդին:

- Բա՛րեւ, բա՛րեւ, Արուս ջան:

- Ուստա Համո, ես խի՞ եսքան քիչ եմ ուղեւորներդ,- հարցրեց Արուս տատը՝ հաշվելով ներսի մարդկանց,- ընդամենը

հինգ հոգի:

- Է՛, Արուս, հիմա ո՞վ ա ավտոբուս նստում: Գյուղացիք ավտոբուսով էլ չեն գնում քաղաք, ավտոբուսի դարն անցել է: Մարդիկ զարգացել են, սեփական ավտոներ ունեն, ավտոյով են գնում քաղաք:

- Տեղ են ասել է՛, որ գյուղի զարգացածը ոչ մի տեղ չկա: Ասա, այ մարդիկ,



մեքենաներով մի մրցեք է՛, ձեր գյուղի ջրի հարցը լուծեք,- վրդովվեց Արուս տատին:

Ավտոբուսում նստած երկու երիտասարդները ծիծաղեցին: Արուս տատը վիրավորվեց:

- Դե որ երիտասարդը ծիծաղի, գյուղն էլ գյուղ չի դառնա: Էլ ո՞ւմից ենք նեղանում, որ մենք մեր խնդիրների վրա ծիծաղում ենք:

Քարքարոտ ճանապարհով ընթացող ավտոբուսը հանկարծ հայտնվեց հնամաշ ասֆալտի վրա գոյացած փոսերից մեկում, ապա թափով դուրս եկավ փոսից: Ուղեւորներն ասես տեղում ցատկեցին: Արուս տատը նկատեց, որ

ճամպրուկը ցած է ընկել:

-Հը՞, Արուս, լա՞վ ես,- հարցրեց ուստա Համոն:

- Ես լավ եմ, համա ձկերի կեսը կտորվել է, Համո: Չե՞ս ամաչում, նորմալ բջիռ էլի. մի դարդս երկու սարքեցիր:

- Ներող եղիր, Արուս: Ես ի՞նչ անեմ, մի օր էլ երեւի ես ճանապարհի հերթը կգա, կսարքեն մարդավարի:

Արուս տատը հավաքեց կտորատված ձկերը:

Քառասուն րոպե հետո ավտոբուսն արդեն քաղաքում էր: Արուսը շարժվեց դեպի այն մայրը, ուր ավտոբուսները կանգնում էին, գյուղից եկած մարդիկ էլ վաճառում էին իրենց հետ բերած միրգ-բանջարեղենը: Մայրից մի քանի քայլ այն կողմ մի մեծ ցուցանակ էր փակցված, որի վրա շեղատառերով գրված էր՝ «Հաղթանակած ժողովրդին՝ պայծառ ապագա»:

- Մալադեց, լավ էլ գրել եք: Էղ երեւի ինձ չի վերաբերում: Թե չէ՛

ո՞ւմ է հետաքրքրում իմ կտորատված ձկերի պատմությունը:

- Բարեւ ձեզ,- Արուսը հասավ գյուղացիներին,- չե՞ք մրսում ես ցրտին:

- Բա ի՞նչ եք անում, մի տաք թեյ լինեք, հաճույքով մարմիններս կտաքացնեմ,- ասաց լոբի վաճառող տղամարդը:

- Արուս տատին ձկերը հանեց տոպակից, մայրի իր բաժին մասում մի շոր փռեց ու ձկերը դրեց:

- Տատի, ի՞նչ արժե ձուն,-հանկարծ հարցրեց անցնող մեկը:

- Հարյուր դրամ:

- Օ՛, թանկ է, եթե 80-ով տաս, ամբողջը կառնեմ:

- Չէ, բալա՛, բա՞ գնալ-գալս, բա՞ հավերս կուտը, բա՞ իմ ուտելիքի ծախսը:

- Տատի, արի չվիճենք, 80-ով տուր՝ առնեմ գնամ:

- Լա՛վ, վերցրու, այ բալա, մեկ ա՛ էսօր օրս թարս ա սկսվել:

- Տուր գնա, Արուս,- մեջ ընկավ լոբի վաճառող տղամարդը: Մեկ է, ես քաղաքացիք մինչեւ մի բանը 20-50 դրամ չեն էժանացնում, չեն առնում:

Արուս տատը ձկերը փաթաթեց ու դրեց տոպակի մեջ: Ձկերը ձեռքին դրում էին:

«Խեղճ հավեր, ես ցրտին ձու եք ածել, ես էլ եսքան էժան ծախում եմ, բա ձեր կո՞ւտը»,- ինքն իրեն մտածելով՝ Արուս տատին տոպակը մեկնեց գնորդին:

Ցուրտ քամին թափառում էր սոված շան պես, թափանցում մարդկանց փեշի տակով ու այդպես մտնում այնքան ժամանակ, մինչեւ մարդը մի տաք տեղ էր ճարում:

Կեսօրից հետո գյուղացիք ազատեցին մայրը. ամեն մեկը շտապում էր հասնել գյուղ մեկնող իր ավտոբուսին: Արուս տատին հաշվեց ձեռքի գումարը: «Գնալ-գալուս փողը եթե հանեմ, տակը մի քիչ գումար է մնում, ի՞նչ անեմ: Եթե պետկ-մետկ առնեմ, հավերս կմսան առանց կուտ: Եթե կուտ առնեմ, պիտի առանց չայ, պետկ, կոնֆետ մնամ»,- շվարեց նա ու մնաց տեղում կանգնած:

- Լա՛վ, գնամ կուտ առնեմ, թե չէ հավերս սոված կմսան, մեղք են. պիտի ուտեն, որ ձու ածեն: Ոչինչ, հո Արուսը սոված չի՞ մեռնի,- որոշեց ինքն իրեն:

Րոպեներ անց ավտոբուսը դռնաբացով տեղից շարժվեց: Արուս տատը պիտի բռնել էր կուտի մեծ տոպակը եւ վախենում էր տեղից շարժվել: Նա մտովի հաշվում էր կտորատված ձկերը, կռվում ճանապարհը չսարքողի հետ, հիշում մայրին կանգնած մարդկանց ցրտահար դեմքերը եւ մայրից քիչ հեռու կախված շեղատառ ցուցանակը:

- Կարելորդ, որ հավերս սոված չմսան...

Հերմինե ԱՎԱԳՅԱՆ

Ժամանակակից բարքեր /մանրապատումներ/ Կշեռքը

Հարեւանուհիներից մեկը երիտասարդ, ասող-խոսող, մի քիչ էլ լկտի աներես էր: Մյուսը ծեր, անժպիտ, լռակյաց, մեջքից կորացած, ինքնամփոփ կին էր. չէր խառնվում հարեւանների մտործերին, մի կողմ քաշված՝ ինքն իր համար մի կերպ ապրում էր: Երիտասարդ հարեւանուհուն, չգիտես ինչու, դուր չէր գալիս ծեր կնոջ ապրելակերպը: «Ջադու» պիտակ էր կացրել, անվան փոխարեն միշտ «ջադու» էր ասում, իսկ լսողներն էլ ընտելացել էին այդ «անվանը»՝ մոռացության մատնելով իսկականը: Օրերից մի օր երիտասարդ հարեւանուհին տանը կշեռքու բան ուներ, բայց կշեռք չուներ: Մյուս հարեւանուհիներից ոչ ոք տանը չէր, իսկ գործը շտապ էր: Իրավիճակից դժգոհ՝ նա կանչեց իր փոքրիկ տղային եւ ասաց.



- Գնա Ջադուին ասա՛ թող կշեռքը տա, կշեռքու բան ունեմ՝ կշեռեմ, հետո շուտ կտանես, կտաս իրեն:

Փոքրիկ տղան հասկացավ՝ խոսքն ում մասին է: Առանց ուշանալու դուրս վազեց, կանգնեց հարեւանուհու դռների մոտ ու բարձրաձայն կանչեց.

- Ջադու տատի՛, Ջադու տատի՛:

Տանտիրուհին, երեխայի ձայնը լսելով, մոտեցավ բաց դռան առաջ կանգնած երեխային:

- Ջադու տատի՛, մայրիկս ասում է՝ բան ունենք կշեռքու, կշեռքը տվեք՝ տանեմ

կշեռք, շուտ կբերեմ:

Ծեր հարեւանուհին ընդհուպ մոտեցավ փոքրիկին, ձեռքը դրեց նրա ուսին ու իր ջրակալած, կնճիռներով շրջափակված աչքերը հառեց երեխայի վառվառ աչքերին.

- Բալիկ ջան, էստեղ Ջադու տատի չի ապրում: Ես Մանուշակ տատիկն եմ: Գնա մայրիկիդ ասա՛՝ եթե ուզում է, թող գա՛ կշեռքը տամ, տարեք բանեցրեք՝ որքան հարկավոր է:

Երեխան շրջվեց, տուն վազեց ու էլ ետ չէկավ:

Կյանքում միշտ մի պահ է վրա հասնում, երբ հակադիր կողմերից մեկը կամ երկուսն էլ կարող են կշեռքի վրա դնել իրենց գործելակերպը...

Էմմա ՊԵՏՐՈՍՅԱՆ

Լատինական Ամերիկայի «Չայաստանները»



Նուեվա Արմենիա, Ատլանտիդա նահանգ, Յոնդուրաս

Լատինական Ամերիկան եւ հատկապես Կենտրոնական Ամերիկան լի են առեղծվածներով: Այդ առեղծվածներից մեկը կապված է հայերիս հետ, իսկ ավելի կոնկրետ՝ մեր հայրենիքի անվան հետ:

Մի տեսակ հպարտություն ենք զգում, երբ Չայաստան անունով կամ հայկական անվանմամբ փողոցներ, անվանումներ ենք լսում, տեսնում օտար քաղաքներում: Իսկ ի՞նչ կլիներ, եթե իմանայիք, որ «Չայաստան» անվամբ քաղաքներ ու գյուղեր կան: Եվ այդ «Չայաստանները» գտնվում են ոչ թե այնպիսի հայաշատ երկրներում, ինչպիսիք են Լիբանանը, Ֆրանսիան, ԱՄՆ-ն, այլև այնպիսի երկրներում, որոնց անունները նույնիսկ չենք լսել: Լատինական Ամերիկայի երկրների որոշ քաղաքներում ոչ միայն «Արմենիա» անունով փողոցներ, պողոտաներ ու հրապարակներ են անվանակոչվել, այլև մի քանի երկրում «Չայաստան» կամ «Նոր Չայաստան» անվամբ քա-

ղաքներ են անվանվել:

Թերեւս, Լատինական Ամերիկայի բոլոր «Չայաստաններից» ամենամեծը եւ ամենաճանաչվածը Կոլումբիայի Քինդիո նահանգում գտնվող Արմենիա քաղաքն է: Այս մասին երեւի շատ թեքիչ լսած կլինեք: Այն ունի մոտ 300 հազար բնակիչ: Լատինական Ամերիկայի «Չայաստաններից»՝ միայն Կոլումբիայի Արմենիա քաղաքի անվանման հետ կապված կարելի է գտնել որոշակի տեղեկություն: Քաղաքի անվանման մասին երկու վարկածներ կան: Առաջին վարկածը քաղաքի անվանումը կապում է քաղաքի տարածքում գտնվող հայ ագարակատիրոջ հետ, իսկ երկրորդ վարկածի համաձայն, որն ավելի հավանական է համարվում, քաղաքն այդպես է կոչվել Չամիդյան ջարդերի ժամանակ հեռավոր Չայաստանից եկող քրիստոնյա հայերի դաժան ջարդերի մասին լուրերի տպավորության ազդեցությամբ: Քաղաքի ղեկավարությունը որոշել է՝ ի համերաշխություն

նահանգը ճանաչել են Չայոց ցեղասպանությունը:

Իսկ այժմ տեղափոխվեք մի երկիր, որի անունը երեւի շատերս նույնիսկ չենք լսել կամ էլ լսել ենք միայն ֆուտբոլի առաջնությունների ժամանակ: Կենտրոնական Ամերիկայում գտնվող Էկվադոր ու ոչ պակաս Էկվադոր անվանում ունեցող մի երկիր՝ Յոնդուրաս: Յոնդուրասում երբեւէ չի եղել հայկական համայնք եւ ընդհանրապես որեւէ հստակ տեղեկություն չկա այնտեղ նախկինում եւ այժմ բնակվող հայերի մասին, սակայն այդ երկրում կա երկու «Չայաստան»: Կարիբյան ծովի ափին գտնվող Ատլանտիդա նահանգում է գտնվում Նուեա Արմենիա (Նոր Չայաստան) փոքրիկ քաղաքը: Քաղաքի հիմնական բնակիչները տեղաբնակ արավակ ցեղի հնդկացիներ են եւ Աֆրիկայից բերված սեւամորթ ստրուկների սերունդներ: Տեղացիները հիմնականում խոսում են գարիֆունա լեզվով, որն իսպաներենի եւ հնդկացիական լե-

տեղափոխվեք Կենտրոնական Ամերիկայում գտնվող մի փոքրիկ երկիր՝ Էլ Սալվադոր: Այս երկրի քարտեզին նայելը նույնպես հաճելի կլինի հայերիս համար. մայրաքաղաք Սան Սալվադորից ոչ հեռու, Սոնսոնատո նահանգում գտնվում է Արմենիա անունով մի քաղաք: Քաղաքում բնակվում է մոտ 35 հազար մարդ: Մինչեւ իսպանացիների կողմից Ամերիկայի գաղութացումը՝ քաղաքի տարածքում հնդկացիական բնակավայր է եղել եւ կոչվել է Գուայամոկո: Ինչպես Յոնդուրասի «Չայաստանների» դեպքում, Էլ Սալվադորի այս քաղաքի անվանման վերաբերյալ ոչ ոք հստակ տեղեկություն չունի ու չգիտի, թե ինչպե՞ս եւ ինչո՞ւ է քաղաքն անվանվել Արմենիա:

Էլ Սալվադորի եւ Յոնդուրասի հարեւանությամբ գտնվող Գվատեմալայում կա Finca Nueva Armenia (Նուեա Արմենիա ագարակ) անվանմամբ կա մի ագարակ, որտեղ արտադրվում է տարածաշրջանում հայտնի Նուեա Արմենիա



Տեսարան Արմենիա քաղաքից, Էլ Սալվադոր



Չրապարակ Արմենիա քաղաքում, Կոլումբիա

ղաքներ եւ գյուղեր կան, որոնց անվանումները առեղծվածային են, քանի որ գտնվում են այնպիսի երկրներում, որտեղ ոչ միայն հայ համայնք չկա, այլև՝

Օսմանյան Թուրքիայում կոտորվող քրիստոնյա հայերի՝ քաղաքը վերանվանել Արմենիա:

Ի դեպ, Արմենիա քաղաքը եւ Քինդիո

գուների խառնուրդ է: Քաղաքի բնակիչները նույնիսկ չգիտեն Չայաստանի կամ հայերի մասին: Սակայն Յոնդուրասով ճանապարհորդող հայի գարմանքը չի սահմանափակվի միայն Կարիբյան ծովափին գտնվող այդ փոքրիկ «Նոր Չայաստանով»: Որքան էլ տարօրինակ թվա, բայց Յոնդուրասում մայրաքաղաք Տեգուսիգալպայից ոչ հեռու, կա եւս մեկ «Չայաստան», որը նույնպես կոչվում է Նուեա Արմենիա (Նոր Չայաստան): Այս փոքրիկ քաղաքի մասին նույնպես շատ տեղեկություններ չկան, միայն նշվում է, որ քաղաքը հիմնադրվել է 1856 թվականին եւ կոչվել է Նուեա Արմենիա:

Դժվար է որեւէ կապ գտնել Յոնդուրասի «Նոր Չայաստանների» եւ հայերի կամ Չայաստանի հետ: Սա, կարելի է ասել, Լատինական Ամերիկայի առեղծվածներից մեկն է:

Սակայն Լատինական Ամերիկայի «Չայաստանների» աշխարհագրությունը չի սահմանափակվում միայն Կոլումբիայով եւ Յոնդուրասով: Եվ այսպես,

ապրանքանշմամբ սուրճ: Ոչ ներկայիս, ոչ էլ նախկին ագարակատերերը հայեր չեն:

Էկվադորի բարձր լեռներում եւս մեկ «Չայաստան» կա՝ Նուեա Արմենիա գյուղը, որի հիմնական բնակիչները հնդկացի բնիկներ են:

Լատինական Ամերիկայում ուրիշ «Չայաստաններ» նույնպես կան: Մեքսիկայի մի քանի քաղաքներում, որտեղ ոչ մի հայ չի բնակվում, կան Արմենիա անվամբ փողոցներ: Բրազիլիայի ամենախոշոր քաղաքում՝ Սան Պաուլոյում, գործում է Արմենիա անունով մետրոյի կայարան, որի հարեւանությամբ է գտնվում նաեւ Արմենիա փողոցը: Արգենտինայի մայրաքաղաք Բուենոս Այրեսում եւ շրջակա քաղաքներում կան Արմենիա անունով մի շարք փողոցներ եւ հրապարակներ: Եվ, իհարկե, Ուրուգվայի մայրաքաղաք Մոնտեվիդեոյում կա Արմենիա անվանմամբ հրապարակ եւ պողոտա:

**Պատրաստեց
Վահե ԳԱՐՈՒԹՅՈՒՆՅԱՆԸ**